

PANDUAN AMALAN HIJAU BAZAR RAMADAN

Bazar Ramadan adalah satu tradisi yang dinantikan oleh masyarakat Malaysia setiap kali tibanya bulan Ramadan. Selain memperkukuhkan nilai kebersamaan dalam komuniti, ia juga menyediakan penajaan pendapatan kepada usahawan tempatan. Seajar dengan usaha kerajaan dalam mencapai objektif kelestarian alam sekitar, penganjuran Bazar Ramadan juga menjadi platform yang sesuai untuk menerapkan amalan hijau dalam kalangan masyarakat.

1. OBJEKTIF

Panduan ini bertujuan untuk:

- i) meningkatkan kesedaran mengenai pemeliharaan alam sekitar;
- ii) menggalakkan penggunaan serta pelupusan sumber secara lestari; dan
- iii) mengurangkan kesan negatif terhadap alam sekitar.

2. PANDUAN KEPADA PENIAGA

Para peniaga digalakkan untuk mengamalkan langkah-langkah berikut mengikut keupayaan masing-masing:

- i) **Pengurangan Penggunaan Plastik Sekali Guna**
 - Menggunakan bahan pembungkusan makanan dan minuman yang mesra alam serta diiktiraf MyHIJAU Mark.
- ii) **Kecekapan Penggunaan Tenaga**
 - Menggunakan peralatan cekap tenaga seperti lampu (*light-emitting diode* - LED) dan bateri mudah alih sebagai sumber tenaga alternatif menggantikan penjana tenaga diesel.
- iii) **Pengurusan Sisa Secara Berhemah**
 - Mengasingkan dan melupuskan sisa seperti minyak masak terpakai, air sisa pencucian serta makanan yang tidak terjual mengikut ketetapan Pihak Berkuasa Tempatan (PBT). Sisa makanan yang sesuai hendaklah dikompos bagi mengurangkan pembaziran dan menyokong inisiatif kelestarian alam sekitar.
- iv) **Perancangan Stok Secara Berhemat**
 - Merancang kuantiti makanan dan minuman yang berkualiti untuk dijual bagi mengelakkan pembaziran.
 - Menyalurkan lebihan makanan kepada pihak yang memerlukan.

v) **Keutamaan kepada Sumber Tempatan**

- Mengutamakan bahan mentah makanan dan minuman yang diperoleh daripada pembekal tempatan.
- Menggalakkan penggunaan bahan organik dan hasil pertanian yang berasaskan amalan lestari.

3. PANDUAN KEPADA PENGUNJUNG

Para pengunjung adalah digalakkan untuk mengamalkan langkah-langkah berikut mengikut keupayaan masing-masing:

i) **Membawa Bekas Sendiri**

- Menggunakan beg, bekas makanan dan botol air sendiri ketika membeli makanan dan minuman bagi mengurangkan penggunaan plastik sekali guna

ii) **Mengurangkan Jejak Karbon**

- Mengutamakan berjalan kaki, berbasikal, menaiki pengangkutan awam atau berkongsi kenderaan untuk ke Bazar Ramadan bagi mengurangkan pelepasan karbon.

iii) **Membeli Secara Berhemat**

- Membeli makanan dan minuman dalam kuantiti yang mencukupi bagi mengelakkan pembaziran

iv) **Menyokong Peniaga Lestari**

- Menggunakan kuasa pembelian untuk memilih dan menyokong peniaga yang mengamalkan prinsip kelestarian serta menggalakkan peniaga lain untuk berbuat demikian.

v) **Menggalakkan Budaya Lestari**

- Menggalakkan amalan hijau dalam kalangan keluarga dan rakan-rakan serta berkongsi pengalaman mengenai kepentingan kelestarian alam sekitar.

Pematuhan kepada panduan ini diharapkan dapat membantu dalam usaha pemeliharaan alam sekitar dan meningkatkan kesedaran mengenai amalan hijau dalam penganjuran Bazar Ramadan. Kerjasama daripada semua pihak amatlah dihargai demi kelestarian generasi masa hadapan.